

中華郵政特准掛號認爲新聞紙類

每月三期逢一日出版

民生報

中華民國二十一年四月十一日

第二十九號

▲本社徵文廣告

海內名家如有鴻著偉論發揮國計民生道德實業者無論著論譯論本社均極歡迎一經登載必有相當之報酬惟原稿概不退還乞注意

▲本社啓事一


本報除指定各機關外如承各界購閱者祈先將報費郵寄或專訂以便按期寄送

▲本社啓事二

本報每月出版三期如有願登廣告者價極從廉用表歡迎價目表填附册尾

▲本社啓事三

各界諸君有介紹本報告白者本社給予二成酬金但此項告白於交稿時須連同所需刊費交齊方准照登如關於名譽或其他重要事件者須覓保及介紹人完全担保以免糾葛



目錄

●選論

羅素論遠東問題

●國內要聞

青島日僑上書請願

東報論交還膠澳之準備

魯案接收中之日人舉動

日本議撤廢旅順要港部

王鴻年報告交還庫恰之無望

長春日領擅捕入籍韓人

●專件

目錄

目錄

● 談叢

山東條約披露
(續第二十八期)

● 雜俎

醫學新發明一束

● 瑣聞

招開航權會議

● 瑣聞

張廳長調轉消息

派員赴方監賣租糧

新國會有招集消息



選論

羅素論遠東問題

美國爲中國之摯友而日本爲中國之深仇美國之企圖世界和平其熱忱在世界各強國之上而日本則苟見有操勝之機會未嘗不主張戰爭以是之故英國政府今日與美結合而舍棄英日同盟之侵略政策自可贊許惟英國若抱有仇視日本之心盲從美國之所謂善意而出斯舉則不能贊許也美國對華及對於縮減軍備所取政策一方面固有利於世界一方面亦同時收美國之本身利益事實昭然無可諱飾以海軍問題而論美國之海軍其力與英國相等足以詔示英人美國之非可以力攻而不能不任美國操一部之海權一方面對於縮減日本之海軍則持堅強態度而對於危及英國之法國海軍則偏持軟化態度此無他蓋美國既得操縱海上之勢力則縮減海軍僅一減少海軍費問題而已各國於此其所獲之利益均相等而美國利益並未

犧牲也以對華問題而論美國對華之野心爲經濟上野心且爲謀全部之經濟勢力之野心將中國全部開放於美國之工商業以全部之利益與勢力範圍之利益相比較則以美國經濟之偉自以開放門戶爲愈由上以觀吾人決不能否認美國對於海軍及中國所取之自由政策係與美國自身之利益相背謬也更以其他事實觀之美國於自己利益或利益有關碍時其自由主義及人道主義卽失其効力試舉三事爲例（一）巴拿馬運河開濬時美國受條約束縛對於英船航行不得別眼看待然此後美衆議院竟通過一案對於美國船隻乃與以優越之利權（二）英國對於德國因承認其有承認之必要擬減輕其賠款條件乃以美國之富竟要求參戰國歸還戰事借款全部又如對俄通商英國獨讓步而美國爲反對共產主義故仍不着手進行是故若謂美國常忠於人道或自由主義則有所不能要視其利益如何而定去取其對於中國所採之新鉅團辦法亦無非爲美國自身利益而已日本對於各強國所持之態度並不欲損人以利己但望任事實之自然而勿加干涉而已顧此種態度自不能適於白色人種美國柏來氏所領之艦隊實爲日本感覺西方有侵畧之動機日本既知對待白人祇有兩道一卽被其屈服二則出自身之力以奮鬪於是乃取其第二之

手段邀德人爲之訓練陸軍照英人之法以建造海軍結果世界各國除英國而外均大震恐而稱其爲黃色之猿彼既一敗俄人再據青島各國乃相率而尊重之各國對於日本觀念之更變無非因其軍備之振作至其欲求自拔而免於淪爲黑人心則未嘗加以顧慮也凡足跡不出歐洲者均莫能知白色人種賤視黃人之失當吾人曾見受高深教育之華人而鄙陋之白人乃視之如糞土其對於日人則以其有強大之海陸軍則又不如是無敢藐視之者假如日人因戰爭失敗不能得強國之地位則白人對之當必另具一副面目矣

(未完)



國內要聞

青島日僑上書請願

日本自占領膠州路後極力於魯路沿線移民青島爲要埠故日人之居留者尤衆華會結果我中國雖於嚴苛條件之下收回山東但因鐵路礦山鹽田及其他諸種事業此後既漸次還我中國之手則山東日人以此而失業者當然不在少數際此生死去留之日又何怪若輩之死力抗爭也觀最近青島日僑上日當局之請願趣旨即可見日人之對於山東天然富源之地固流連徘徊而不忍遽去也茲撮譯其請願趣旨如左

吾等同胞（指居留青島之日人言下仿此）於過去八年間受賢良當局之施設及指導得以在此經營各種事業費數載心血體力始獲有今日結果但世界大勢所向有若洪水非人力所能禦今者際此危急存亡之秋願就愚慮所及以爲我賢良當局陳

之

從來都市開港地之繁榮與發達有二種一由自然趨勢而人貨集合者一依地理上價值而由人爲的努力所建設者現吾之青島即屬於後者考青島當二十五年前乃一冷靜之魚村耳但依其地理價值將來山東鐵路延長直貫河南陝西甘肅青海而入新疆必成中央中國之最大貿易港若更縱斷沙漠由意大利超中央亞細亞則成爲一歐亞連絡之最短線故未來之青島正未可限量惟自然趨勢之都市其發達乃由其地之周圍物資與交通便利基於自然之理除天災外別無損害是以不待政府之援助與保護至政策如何亦不能左右其興衰但人爲的都市則與此大不相同若欲其發達非有確固定見與無遺漏政策及政府或有力財團之援助與保護不可故其政策一經放棄則順應其政策者不但蒙其損害而且不能不陷於自滅之運命此爲自然結果今者吾山東三萬同胞即瀕於此危機矣不知我賢明政府亦思有以處置之道否溯自我賢明政府於德意志十七年之後接受青島以來改良鐵路擴張水道電燈更因擴充市街遂租出五十萬坪之地又投資五百萬元收買民農地租給市民以爲建築之用現在青島之市街已較德國時代增加二倍貿易額亦由一億二百

萬元增至一億二千萬元而十萬人口亦較德國時代無大差別凡此皆政策援助保護與吾人努力所致今一旦放棄政策則吾等之將來又何堪設想吾等非敢惜犧牲也吾等所住之地已供和平犧牲矣千數百將卒已長眠不起矣

更就母國言之則此忽因山東交還之故增加二百萬人口又安有收容之餘地且中央中國無盡藏庫之青島若驟然捨之而去則國家政策上及生存經濟節儉上均所萬不能忍嗚呼吾等當此危急存亡之日雖欲去山東而無如事實上實不能去山東何且今後青島一旦還諸無人的建設能力之中國爲政者手中則市街將盡污工廠將絕烟青島退步如十年前吾等所存僅此形骸而已我賢明政府捨名去實之教令者適逢其時矣惟若捨名之上更奪取其財力以去則吾等真斷絕生路矣

茲者吾等甚望我政府建設入青島所投之資向中政府要求賠償而於此項賠償金勿取爲國家收入卽以補助吾等同胞使其繼續經濟戰以收八年未更之功則幸甚矣以上爲吾等同胞請願趣旨凡同胞贊成卽請署名云云

東報論交還膠澳之準備

東京日日新聞社論云帝國政府已決定撤退山東日軍已以此旨訓令小幡公使轉

告中國政府此七年以來久懸不決以至提出華府會議之重大問題今得一旦解決實堪欣幸近來段祺瑞之逃出北京外國軍火之輸入中國青島地產之轉賣以及其他種種不快之事世人多指爲日本之陰謀今殆可以大白矣尤可快者帝國政府不待至華會決定之時期即先行撤兵此舉斷然足以消釋中國及列強對日本之許多猜疑吾國政府因受軍閥之勢力久被所謂（兩重外交）之惡名今能毅然出此可謂大膽軍閥於此實遭一大打擊然悟政府與人民決不再忍耐彼等之擺弄吾人熱望政府以後繼續爲此正當強毅行爲庶足以遏止軍閥之惡勢力並消除世界之誤會也吾人望政府處置關於山東之一切問題皆以此種精神出之所可憾者日本如斯誠意踐其諾言中國政府則未有接收之準備據云當我公使通告中國政府無論何時申政府可以接管膠澳日本即行撤兵時中政府頗爲慌亂蓋中政府因政治財政種種困難幾無法接管膠澳也但據最近消息似中政府已決定派特別選出之警察一千人至山東守護鐵路以代日軍據云此項警察隊訓練精良爲中國警界模範係瑞威某軍官所練向在北京任保護外僑之責者就大體言之中國警察可謂並無紀律蓋爲警察者往往可變爲盜匪中國人民與僑華外人之不信任警察即以此故因

此沿膠濟路一帶之日本僑民頗慮日軍撤後或將發生騷亂以前本有提議派一日本專家教練管路之華警今我政府已自行取消此議按照華會中日條約日軍於訂約後六箇月內撤退是日軍於七月之前可以不撤然我政府則決於五月間即行撤退盡由此可見日本以十分誠意對待中國而中國因政治財政之困難未能準備接收實爲可惜且日本之誠意亦未受尊重聞中國政府曾請美公使向美政府商量開放沿膠濟鐵路各城鎮作萬國公用之問題但不使日本知之日本以光明誠懇態度對中國而中國以不善之意報之此實爲中日兩國開明人民熱望兩國親善者所引爲大憾中國如斯對日本則欲恢復兩國向來之親善實大爲困難結果恐列強出而干涉果爾則非中日兩國之福故吾人切望中國覺悟以公誠對待日本之必要庶可確立兩國間之善誼也

魯案接收中之日人舉動

政界消息日昨駐京小幡公使據本國政府電令謂中國接收魯案各項日僑因之失業損失至一千萬之多請求我國賠償聞外交部方面昨已議決拒駁其理由謂交還魯路青島各項係根據華會決定實行之件日僑撤退回國係根據約文而得之結果

中國政府無代負賠償之理由如華會決定各國縮減海軍日本因此海軍失業者達五六萬人亦應先向各國要求賠償云云青島電訊云日本青島守備司令部關於撤兵有命令發布云四月上旬青島及坊子駐屯軍隊各抽出兩中隊撤回本國沿線各守備隊依照條約俟中國軍警配置完竣再行議撤現在關於此案已經開始交涉又沿線守備隊撤退之後青島方面尙留一部分守備隊（步兵及憲兵）俟青島租借地行政全行引渡終了時再行撤退云云

日本議撤廢旅順要港部

日本因軍備縮小及魯案解決之結果有撤廢旅順要港部之議頃據東京電訊加藤海軍大臣已在衆議院委員會言明因軍備縮小之結果旅順鎮守府要港部等有撤廢之必要故此旅順要港部自當先行廢止海軍人員中因日俄戰爭之關係反對者固有之惟因時勢之進展及形勢之變化該要港部實已無存在之必要結局必當撤廢且有謂旅順要塞部亦無必要宜同時撤去者但因陸軍既未決定取軍備縮小方針與海軍不同况仍有主張存置者欲其撤去自非易事願要港部倘經撤廢則要塞勢亦在撤去之列不過時日之遲早而已至其撤廢之結果所節省之經費自當提及

滿蒙政策中之財政問題或卽以此節省所得之經費移用於發展滿蒙政策方面亦未可知云

王鴻年報告交還庫恰無望

赤塔領事沈崇勛調任莫斯科所遺赤塔領事一缺陳廣平又以病辭外部業另派王鴻年接任臨行並囑其與赤塔政府接洽交還庫恰問題茲據外交部消息稱王領事已接任並來電報告接洽交還庫恰情形茲覓得其電如下鴻年奉命接洽交還庫恰一事原案赤塔出兵之提議允以無條件交還庫恰發起之者雖由前沈領事俄政府若以爲有碍儘可聲明理由拒絕於前不應翻議於今竊查遠東政府藉口之理由謂實爲之於勞農政府顯係故意推延反復無信其無誠意已可概見據鴻年所聞遠東政府與勞農政府均已訂有條約協助蒙民組織政府宣傳過激處心陰險防不勝防蓋俄自革命以來實行共產百業停滯天災流行炭民遍地餓莩盈野近在庫倫攫取牲畜救濟一時且又宣傳過激擬使東化使聽而不聞則日計月積蔓延堪虞不特外蒙受其患且爲禍於中國今東西俄代表均已到京會議通商歷時已久近又變更前議終無效果鴻年從任以來多方觀察始悉奸謀欺人欺己而復欺天下存心奸滑實難

理喻彼既無誠意交還即有意於侵犯似宜以舊黨取相當之手段以待之各國皆云新黨素寡信萬難逃公論斷不致節外生枝發生交涉庫恰本我國領土固有主權尤不可放棄致啓干涉之端若以爲可行祈即示復俾便據情知照赤塔政府然後施行

長春日領擅捕入籍韓人

據外交方面確訊長春日領擅行逮捕入籍韓人李永一等家人口曾經該地交涉員據理力爭毫無效果遂由孫督電請中央辦理以維主權外部據以照會日使要求引渡日前始接該使照復聲明日領逮捕李永一等之理由三項(一)李永一確係韓僞政府之駐滿獨立軍總司令且爲華韓俄激黨之韓國宣傳部主任日本爲自衛起見不得不加以逮捕(二)該韓人李永一確係韓人爲日本之臣民日本領事當然有權逮捕中國不應干預(三)日本領事前曾向中國官吏聲明長春伏處韓黨甚多請求嚴加取締乃該地官吏奉行不力故不得不用日本領事逕行逮捕外部顏長以日使一味強詞奪理日昨復行照會日使根據下列各點逐一駁斥(一)李永一曾於民國七年呈請長春道尹請准入籍歸化當經長春前林道尹查悉李永一之母確係中國

人且李永一生於安東縣按照中國國籍法已取得中國國籍故長春前林道尹呈准內務部於七年六月三十日發給李永一妻巴氏及其父李朝文母梁氏子李慶嵩媳平氏六人執照並由長春交涉員照會日本駐長春領事查照李永一等確係華民有案可稽日本領事焉能指鹿爲馬擅行逮捕(一)來文所稱李永一係韓臨時政府之駐滿總司令及宣傳過激主義煽惑僑居長春韓人圖謀襲擊日本領事館等情據本部所聞實無此事李永一在長春居住營商爲生敦厚篤實素無不法且長春道尹及鎮守使前以日本領事之知照曾派探調查多時亦未得有證據足見李永一實無不利日本之行爲(二)李永一爲中國人民證據確鑿日本領事不應擅行逮捕不知照中國官吏實屬藐視中國主權應請轉飭長春日領即將李永一送交長春道尹秉公辦理並令日本領事此後不得有此項行動云云



專件



山東條約披露

(續第二十八期)

華會解決之山東問題

第六節 膠濟路支線

第二十一條 關於膠濟路兩支線之讓權即高徐順濟兩線應開放為國際財團公共之活動細節由後中國政府與該財團協議

第七節 礦產

第二十二條 淄州坊子及金嶺鎮三鑛權前由中國政府允給德國者應移歸由中國政府給與特准狀而組織之公司其中日本投資不得過中國資本其條件及方

式應由第二條中所定之聯合委員會決定之

第六節 開放前德膠州租借地

第二十三條 日本政府宣言並不願求設一日本居留地或一公共居留地於前德膠州路租借地之內

中國政府方面宣言前德膠州路租借地之全畿域將對外國商業開放准許外國人民自由居住經營工商業及其他合法事業於該地域以內

第二十四條 中國政府更爲宣言外國人民在前德膠州租借地內之既得利權依法公允取得者無論在前德時代或日本管領期間均與尊重

關於日本人民及日本公司既得權利之效力或地位之問題應歸本約第二條內所定之聯合委員會審定之

第九節 鹽業

第二十五條 鹽業爲中國政府專有事業現特同意所有日本人民或日本公司在沿膠州灣岸線一帶鹽業之利益應由中國政府給付公平價格買回中國亦願以平允之條款允許沿該岸線之鹽運輸一定量數於日本關於以上事件之佈置包括移交鹽業利益等應歸本約第二條內所定之聯合委員辦理併應及早完竣至遲不得過本約有效後六個月

第十節 海底電線

第二十六條 日本政府宣言關於前德海底電線青島與煙台間及青島與上海間之一切權利所有權利益等均爲中國所有惟兩綫中有爲日本政府利用之以接青島與佐世保間電綫之部份者應與除外兩方諒解關於青島與佐世保間海電之埠頭及運用之問題應歸本約第二條內所定之聯合委員會處解依照中國所立現存合同之條款

第十一節 無線電臺

第二十七條 日本政府允以在青島及濟南設立之無線電台於日本軍隊由此兩處撤退時移交中國得公允之償價

此類移交手續及償價細目由本約第二條內所定之聯合委員會決定

第二十八條 本約(附錄亦在內)應為批准文件特應及早在北京互換至遲不得過本約簽字後四個月

本約自批准互換日起有效

各全權簽字於兩份條約均用英文併蓋圖印

立於華盛頓二月四日一九二二年

附錄

一放棄優先權 日本政府宣言放棄一八九零年三月六日申德條約中國關於

加入投資及材料之一切優先權

一 移交公產 兩方互解本約第二條所定移交中國政府之公產包括（一）各種公共工作如道路橋樑來水公園溝渠及防疫設備等（二）各種公共事業如電話電燈畜場洗作等

中國政府宣言於接收此類公共工作後之管理與維持時在前德膠州租借地內之外國人民團體應有公允之代表權

中國政府復為宣言於接管前德膠州租借地內之電話事業對於在該地內之外國人民團體請求電話事業之擴充或改良為公共其利益所需要者當與以適分之考慮

關於電燈畜場及洗作等之公共營業中國政府於接收後應轉交青島之中國市政廳再由該廳依中國法律組織一商業公司經理及運行此類事業依照市

政章程併受其監察

(三)青島海關 中國政府宣言當指令中國海關總監督(一)准許在前德州租借地內之日本商人得用日文報告於青島海關(二)在中國海關辦事章程範圍以內考量青島商業之需要得在該關內派用適當辦事員

(四)膠濟鐵路 本約第六條內所定之鐵路聯合委員會若至不能同意時所餘各點中日兩國政府應自行以外交方法討論處置

中日兩國政府自行處決以上各點於必要時得借用第三國或多數國之專門家

(五)烟濰鐵路 烟濰鐵路用中國資本建造時日本政府並不要求併歸國際銀行團辦理

(六)前德膠州租借地之開埠 中國政府宣言當中國地方自治制度之法律未

實行及應用前中國地方官廳關於前德膠州租借地內之事務直接影響外人
利益者當徵詢居在該地內之外國人民意見 (完)





談叢

警衆感想錄

人而不俠是曰不仁國而無俠是曰不國

能柔能剛其國彌光能柔能強其國彌彰純柔純弱其國必削純剛純強其國必亡
中國不亡是無天理中國若亡是無地理中國果亡是無人理

國可亡不可辱

滅我國者我仇也

國也者積民而成國之主人爲誰卽一國之民是也

中國者我同胞相依爲命非一人之私產也以國家託政府非以國家徇政府

國家筆也國民其毫國家帛也國民其絲然聚毫千萬根不得卽謂之筆聚絲千萬縷

不得卽謂之帛必有以束之縲之而等也帛也乃好也而縲也乃好也惟官之與民相若也若一處不得卽謂之國必摶之而爲一體國始得而成

政之所興在順民意政之所廢在逆民意

政府之理民能如美婦之理髮則佳

立於世界之上苟非純粹共和之國其國民與政府必常處於對敵之地位勝負成敗迭爲倚伏而世界遂以多事

死於砲火急而慘死於苛政緩而痛然有寧死於砲火而不願死於苛政者蓋一則忍苦一時一則受累無窮也

官威盛則必思所以挫折民氣之方民氣盛則必有所以滅殺官威之時官與民相抵彼此乃相劑於平奈何今之官欲蹂躪我國民以試其張威之技者

民見官之昏瞶則相驚以語人曰是足以亡我中國也官見民之激昂則亦相驚以語

人曰是足以亡我中國也故幸而不亡中國則已不幸而亡中國且莫知其咎之誰屬矣

屋之撐也恃梁棟之木質國之柱也恃國民之人格木質而堅則屋不易塌人格而厚則國必不亡此一定之理也

久陰乍晴頓覺大千世界光明普照萬物有昭蘇之象於以知宇宙萬有要以光明爲貴天時且然矧於人事故我深願政府之用人與行政亦能示人以光明勿長在此黯黯重陰中也

浩浩平湖汪汪大海偶爲風颺所激波濤洶湧浪沫浮溢不須叟而澄湛之狀如故何中國國事終不能波平浪靜耶應事以精不以形造物以神不以氣無凝結之愛國力縱謀國事與不謀等

荸薺要乾黃瓜要脆口腹猶不能勉強何況國事

欲鑄國民必以培養個人之私德爲第一義欲從事於鑄國民者必以培養個人之公德爲第一義

轉弱爲強莫如開民智轉貧爲富莫如厚民力

到沒衣穿時才知衣之能暖我到沒飯吃時才知飯之能飽我到沒國家可依時才知國家之能保我然奴袴膏梁之子弟不自惜其衣食所以終死於穿吃撞破家居之織兒所以終淪爲奴隸





雜俎

科學新發明一束

●水面寫字法

昨見何海豪君有寫字不顯法一則頗為特別至水面寫字則其術尤奇法用黃芩研水書字白紙上候乾置水面紙着濕下沈而水面上之字跡顯然矣

●淨大理石之新法

大理石一經傳污欲洗淨之頗非易易茲有一法頗為簡便法用曹達鉛粉二成和淨石粉一成於水中擦石面繼以肥皂熱水洗之如斑漬又未退盡可以淡養酸揩去凡既污之大理石一經此法洗濯莫不清潔明亮云

●革製輕船新發明

瑞士高氏倫撥生最新發明一種革製輕便船其形式與我國民船相仿內部裝置最小電機一具用時將電機一鈕則船前行如飛穩妥異常且能容坐四五人若無事之時可以摺疊於篋內長携甚便且每小時能行十四英里約當我國三十六里云

●保存皮毛法

吾人製造動物標本莫不愁其皮毛難得保存今有一法可保其永久不生虫不霉爛其法爲何卽用水一杯以四分之砒汁加入其中和以潔白細砂取皮浸之約二十二小時至二十四小時其中所藏之蛙虫均飲毒而死不能再生但砒汁之濃淡須有一定可逐漸將砒汁加以純黑色之毛試之至不變色爲最適宜

●治吐血症

袁唐志於去歲二月間因其妹亡去心中常常氣悶不久遂得吐血之症一日其母來

看視傳一方法叫其將自己頭上拔下頭髮少些燒灰用開水吞下至今未發

●紅絲疔之立治法

紅絲疔發生後卽有若干紅筋畢現患處若此筋串達胸腔立刻有性命之憂惟吾鄉相傳有一法可以立治方宜取陰乾嫩桑枝細劈如線香燃火焚之以患處凌空架黑烟處徐燻須臾紅絲銷而患處立刻愈矣







瑣聞

招開航權會議

政界消息省公署頃准國務院電略謂松黑兩江航權原以條約關係所有航權歸中俄兩國共享際此俄國政局不定之日正我國收回航權之絕大機會乃近來竟有第三者出而干預意在攫我航權若不先籌應付之方航業前途勢必發生阻碍茲擬於五月初旬在北京開一航權會議除海陸參三部派員列席外務希遴選要員屆期與議云云

張廳長調轉消息

法界消息濱江地方審判廳張廳長前以某項事務頗不洽於上峯之意經陳高審廳長呈請法部將其調往延吉所遺濱江地審廳長一缺則調延吉地方廳長王銘鼎氏接充不日即可見諸明命云

派員赴方監賣租糧

方正旗產經租處所收租糧尙例由省公署派員前往監視出賣以昭慎重頃省署又接該處經理劉建章來文畧稱該處去歲徵收租糧收藏日久難免不犯潮濕務懇派員來方監視出售庶不致霉爛之虞聞省公署接到後當委邱壽彭赴方監視出賣并令行方正縣知事協同監視云

新國會有招集消息

近來政局飄蕩中樞無人北方兩大勢力率不肯輕於有所表見致招干政之嫌長此遷延殊非善策徐總統爲調劑起見擬將新國會從速招集藉以解決國是聞本城衆議員吳獻芝等已接到該會駐京通訊處電告聞不日卽行晉京聽候招集云

中華民國十一年四月十一日出版

第二十九期

價目表

期數	每期一冊	一月三冊	半年十八冊	全年三十六冊
定價	大洋一角	大洋三角	大洋二元八角	大洋三元六角

無論省內省外定閱本報一律不取郵資惟報費須先惠交以便發報報費費用郵票者八折空函定報恕不作覆

廣告價目表

期數	頁數		每月三期	每旬日一期	全年三十六期
	全	半			
每旬日一期	四	二	四	二	一
每月三期	八	四	元	元	元
三個月九期	二十	十	元	元	元
半年十八期	二十四	十六	元	元	元
全年三十六期	四十八	二十四	元	元	元

右表列廣告費按大洋核收

主編

任輯

關潤

鍾章

巖

發行

行

祖繩

武

武

發行所

吉林巴爾虎門觀音堂內院

印刷所

吉林商務同行印刷局

40